



Broj: 03/5a-07-4-99-2/25
Veza broj: 01-50-1-411/24
(i broj: 01-50-1-94/25)
Sarajevo, 10. 2. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRILJENO:		10-02-2025	
Organizaciona jedinica	Klasifikaciona oznaka	Redni broj	Broj prijava
01-50-1		94/25	

PREDSTAVNIČKI DOM
PARLAMENTARNE SKUPŠTINE BiH
N/r poslanika Šemsudina Mehmedovića

PREDMET: Dostavljanje odgovora na poslaničko pitanje

Poštovani,

Aktom broj: 01-50-1-94/25 od 8.1.2025. godine, u skladu sa članom 170. i 171. Poslovnika Predstavničkom doma Parlamentarne skupštine Bosne i Hercegovine ("Službeni glasnik BiH", broj: 79/14, 81/15, 97/15, 78/19, 53/22, 59/23, 87/23, 50/24 i 73/24) pismeno ste se obratili Kolegiju Sekretarijata Parlamentarne skupštine Bosne i Hercegovine da Vam dostavi informacije vezano za radnopravni status Parlamentarnog vojnog povjerenika, gospodina Boška Šiljegovića i u kojem ste tražili da Vam se odgovori na slijedeće upite kako slijedi:

- **Da li je stručna služba Sekretarijata dostavila Zajedničkoj komisiji za administrativne poslove rješenje o prestanku radnog odnosa radi penzionisanja Boška Šiljegovića na verifikaciju?**
- **Koje je mjere i službene radnje u navedenom periodu preduzeo Kolegij Sekretarijata vezano za produženje radnog odnosa i isplatu plata Bošku Šiljegoviću?**
- **Na osnovu koje konkretne zakonske odredbe Kolegij Sekretarijata je omogućio da se Bošku Šiljegoviću vrši isplata plata uprkos činjenici da je imenovani po sili zakona morao biti penzionisan?**

Pored navedenih upita tražili ste da Vam se dostave svi službeni akti Sekretarijata Parlamentarne skupštine Bosne i Hercegovine i Zajedničke komisije za administrativne poslove Parlamentarne skupštine Bosne i Hercegovine vezano za produljenje radnog odnosa i isplatu plaća vojnom povjerniku, gospodinu Bošku Šiljegoviću.

U skladu sa poslovnički propisanom roku dostavlja Vam se slijedeći

O d g v o r

- Vezano za odgovor na Vaše prvo poslaničko pitanje informišemo Vas da član 9. Zakona o Parlamentarnom vojnom povjereniku Bosne i Hercegovine ("Službeni glasnik BiH", broj: 51/09), propisuje da (1) Vojnog povjerenika bira Parlamentarna

skupština Bosne i Hercegovine, na prijedlog Zajedničke komisije.¹, (2) Kandidate za vojnog povjerenika predlažu članovi Zajedničke komisije, klubovi poslanika u Predstavničkom domu i klubovi naroda u Domu naroda Parlamentarne skupštine BiH. **Član 11. (Imenovanje i mandat)** propisuje da (1) Parlamentarna skupština BiH imenuje vojnog povjerenika. (2) Mandat vojnog povjerenika traje pet godina, s mogućnošću jednog ponovnog izbora. (3) Mandat vojnog povjerenika početak će se polaganjem zakletve u Predstavničkom domu Parlamentarne skupštine BiH. (4) Mandat vojnog povjerenika, osim u slučaju iz stavka (2) ovog članka ili smrti, prestaje u slučaju: razrješenja ili ostavke. (5) Na zahtjev Zajedničke komisije za razrješenjem vojnog povjerenika, konačnu odluku donosi Parlamentarna skupština BiH. (6) Vojni povjerenik može podnijeti ostavku u bilo kojem trenutku. U tom slučaju odluku o razrješenju donosi Zajednički kolegij oba doma Parlamentarne skupštine BiH.

Dakle radni odnosi koji za pravni osnov nemaju ugovor o radu podvode se pod poseban sistem radnih odnosa (op.a. mandat), tako da se radni odnosi posebnih kategorija zaposlenika u koje pored ostalih spada i Parlamentarni vojni povjerenik, u cijelosti reguliraju posebnim zakonima koji u odnosu na pravni status tih kategorija zaposlenika imaju značaj osnovnih propisa. Shodno tome, kako su posebnim zakonom² propisani osnovi za prestanak radnog odnosa odnosno mandata, to se u konkretnom kod ovih kategorija zaposlenika ne primjenjuju odredbe Zakona o radu u institucijama Bosne i Hercegovine koje reguliraju način prestanka ugovora o radu.

U konkretnom slučaju to znači da odredbe Zakona o Parlamentarnom vojnom povjereniku Bosne i Hercegovine imaju supremaciju u primjeni spram odredaba Zakona o radu u institucijama Bosne i Hercegovine.

Iz svega naprijed navedenog Parlamentarni vojni povjerenik, iako je dana 30.7.2021. godine, navršio 65 godina života i stekao uvjete za odlazak u mirovinu po sili zakona, sukladno članku 71. stavak (1) točka a) alineja 1 Zakona o radu u institucijama Bosne i Hercegovine ("Službeni glasnik BiH", broj: 26/04, 7/05, 48/05, 60/10, 32/13, 93/17, 59/22 i 88/23), se i dalje nalazi u mandatu i uživa sva prava iz istog, obzirom da se na njega ne primjenjuju odredbe naprijed citiranog Zakona o radu u institucijama Bosne i Hercegovine.

Svako postupanje protivno *lex specialis* propisu kojim je reguliran prestanak mandata Parlamentarnog vojnog povjerenika bi imalo za posljedicu protupravno odnosno nezakonito donošenje Rješenja o prestanku radnog odnosa i tužbu za naknadu štete sa nesagledivim materijalnim posljedicama po proračun Parlamentarne skupštine Bosne i Hercegovine.

- Vezano za upite pod točkama 2 i 3 Vašeg poslaničkog pitanja napominjemo da Kolegij Sekretarijata nema ovlaštenja da poduzima bilo kakve mjere vezano za

¹ Vidi Zajednička komisija za obranu i sigurnost BiH, **član 59.** Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj: 79/14, 81/15, 97/15, 78/19, 53/22, 59/23, 87/23, 50/24 i 73/24) i **član 49.** Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj: 58/14, 88/15, 96/15, 53/16 i 71/24).

² Vidi član 11. Zakon o Parlamentarnom vojnom povjereniku Bosne i Hercegovine ("Službeni glasnik BiH", broj: 51/09).

mandat koji Parlamentarnom vojnom povjereniku daje Parlamentarna skupština Bosne i Hercegovine. S tim u vezi poduzimanje bilo kakvih radnji od strane Kolegija Sekretarijata Parlamentarne skupštine Bosne i Hercegovine u pogledu uskraćivanja prava koja proizilaze iz mandata Parlamentarnog vojnog povjerenika predstavljalo bi kazneno djelo Nesavjesnog rada u službi.

S poštovanjem,



DOSTAVLJENO:

- Naslovu;
- Kolegiju Sekretarijat;
- Zajednička komisija za administrativne poslove;
- a/a.